



Broj: 02-1207-13/23
Mostar, 08.11.2024. godine

Na osnovu člana 70. stav (4) Zakona o javnim nabavkama BiH („Službeni glasnik BiH”, br. 39/14 i 59/22) (u daljnjem tekstu: Zakon) i člana 26. Statuta Operatora za OIEiEK („Službene novine Federacije BiH”, br. 89/20 i 101/22) direktor Operatora za OIEiEK donosi

ODLUKU

o poništenju postupka javne nabavke usluga

Član 1.

Poništava se postupak javne nabavke usluga „Pružanje usluga korištenja elektronske platforme - Registra za izdavanje, prenos i poništavanje garancija porijekla za teritoriju Federacije Bosne i Hercegovine kao i unutar Regionalnog sistema garancija porijekla, uključujući i tehničku podršku korisniku (Operatoru za OIEiEK)“.

Član 2.

Obavještenje o pozivu za učešće u nabavci objavljeno na Portalu javnih nabavki, broj: 1173-4-2-16-20-1/23 od 04.12.2023. godine.

JRJN kod: 72315000-6 (Usluge upravljanja mrežom podataka i usluge podrške za mrežu podataka).

Član 3.

Kod provođenja postupka javne nabavke koristio se Pregovarački postupak bez objave obavještenja, u skladu sa članom 21. tačka c) i članom 28. Zakona o javnim nabavkama Bosne i Hercegovine, primjenom kriterija za dodjelu ugovora- najniža cijena.

Član 4.

Zakonski osnov za poništenje postupka javne nabavke je član 69. stav (2) tačka a) Zakona o javnim nabavkama Bosne i Hercegovine.

Član 5.

Izveštaj o provedenom postupku javne Nabavke objaviti na Internet stranici Operatora za OIEiEK i portalu javnih nabavki.

Član 6.

Ova Odluka stupa na snagu danom donošenja i obavjit će se na internet stranici Operator za OIEiEK.

Obrazloženje

U skladu sa Odlukom direktora, broj: 02-1207/23 od 27.11.2023. godine, pokrenut je postupak javne nabavke „Pružanje usluga korištenja elektronske platforme - Registra za izdavanje, prenos i poništavanje garancija porijekla za teritoriju Federacije Bosne i Hercegovine kao i unutar Regionalnog sistema garancija porijekla, uključujući i tehničku podršku korisniku (Operatoru za OIEiEK)“. Obavještenje o javnoj nabavci objavljeno na portalu javnih nabavki pod brojem: 1173-4-2-16-20-1/23 od 04.12.2023. godine, zajedno sa tenderskom dokumentacijom.

Rješenjem direktora Operatora za OIEiEK, broj: 02-1207-1/23 od 27.11.2023. godine imenovana je komisija za provođenje postupka javne nabavke usluga.

Na osnovu obavještenja o javnoj nabavci Tendersku dokumentaciju je preuzeo jedan ponuđač.

Postupak javne nabavke se provodio korištenjem Pregovaračkog postupka javne nabavke bez objave obavještenja, u skladu sa članom 21. tačka c) i članom 28. Zakona o javnim nabavkama Bosne i Hercegovine, te primjenom kriterija za dodjelu ugovora- najniža cijena. Postupak javne nabavke provodio se u tri faze.

U Fazi I Postupka blagovremeno je zaprimljena kvalifikaciona dokumentacija jednog kandidata i nije bilo neblagovremenog dostavljanja ponuda. Zahtjev za učešće u postupku javne nabavke dostavio sljedeći kandidat: GREXEL SYSTEMS, sa sjedištem Lauatarhankatu 6, 00580 Helsinki, Finska.

Zapisnikom o ocjeni kvalifikovanosti u pregovaračkom postupku bez objave obavještenja, broj: 02-1207-3/23 od 18.01.2024. godine, Komisija je konstatala da je GREXEL SYSTEMS zahtjev za učešće dostavio u vremenski predviđenom roku, te da je zahtjev za učešće kandidata prihvatljiv za ugovorni organ, obzirom da je dostavio svu traženu dokumentaciju čime je dokazao svoju sposobnost odnosno kvalifikovanost. Komisija je dala svoju preporuku direktoru Operatora za OIEiEK, da donese Odluku o rezultatu postupka pretkvalifikacije, te da će nakon što odluka postane konačna Komisija za nabavke pozvati kvalifikovanog kandidata da dostavi početnu ponudu, u skladu sa uslovima datim u tenderskoj dokumentaciji i Zakonu o javnim nabavkama.

Poziv za dostavljanje početnih ponuda u pregovaračkom postupku nabavke broj: 02-1207-5/23 od 19.02.2024. godine objavljen je na Portalu javnih nabavki, www.ejn.gov.ba, Faza II Postupka. Poziv za dostavljanje početne ponude preuzeo je kvalifikovani ponuđač: GREXEL SYSTEMS, sa sjedištem Lauatarhankatu 6, 00580 Helsinki, Finska, te je isti bio dužan dostaviti ponudu do 27.03.2024. godine do 10:00 sati. Sastanak Komisije je održan dana 02.04.2024. godine, u prostorijama Operatora za OIEiEK, sa početkom u 12:00 sati, kojem su prisustvovali svi članovi Komisije.

Zapisnikom o pregledu i ocjeni početnih ponuda u pregovaračkom postupku bez objavljivanjem Obavještenja o nabavci - Faza II od 02.04.2024. godine, Komisija konstatala sljedeće: „Nakon izvršene analize ponude u smislu da li ispunjavaju uslove navedene u Pozivu ugovornog organa za dostavljanje početnih ponuda, Komisija za nabavku konstatuje da je prihvatljiva početna ponuda ponuđača: GREXEL SYSTEMS, sa sjedištem Lauatarhankatu 6, 00580 Helsinki, Finska. Analizom ponude Komisija je takođe konstatovala da je ponuđač u Nacrt predloženog ugovora dodao odredbu u kojoj je navedeno „Član 23. Kao što je istaknuto u odjeljku Pitanja i odgovori na portalu tendera, Grexel zadržava pravo da pregovara o uslovima odgovornosti u konačnom ugovoru. Naime, situacije u kojima se ne nameće ograničenje odgovornosti potrebno je zajednički dogovoriti prije finalizacije ugovora.“

S obzirom da se u toku Faze II ovog postupka javne nabavke sa ponuđačem vodila korespondencija u vezi navedenog, te da se ponuđaču odgovorilo na način da će „odgovornost Ponuđača“ biti predmet Faze III postupka – Pregovaranje, ali i činjenicu da se radi o jedinom ponuđaču, to Komisija smatra da unošenje navedenog u Nacrt ugovora ne predstavlja bitnu povredu postupka. Zbog toga Komisija je donijela odluku da je Ponuda ponuđača GREXEL SYSTEMS, sa sjedištem Lauatarhankatu 6, 00580 Helsinki, Finska prihvatljiva za Ugovorni organ”.

Pregovori u postupku javne nabavke usluga „Korištenje elektronske platforme - Registra za izdavanje, prenos i poništavanje garancija porijekla za teritoriju Federacije Bosne i Hercegovine sa tehničkom podrškom korisniku (Operator za OIEiEK) održani su dana 22.04.2024. godine, posredstvom on-line platforme, u skladu sa članom 28. Zakona o javnim nabavkama („Službeni glasnik BiH“, broj: 39/14 i 59/22). O pregovorima je sačinjen poseban Zapisnik.

Poziv za dostavljanje konačne ponude – Faza III postupka javne nabavke upućen je Ponuđaču, aktom Operatora za OIEiEK, broj: 02-1207-10/24 od 18.10.2024. godine, sa tenderskom dokumentacijom. Rok za dostavljanje konačne ponude je bio 04.11.2024. godine, do 10:00 sati, u skladu sa tačkom 6.2 Tenderske dokumentacije.

U ostavljenom roku pozvani ponuđač GREXEL SYSTEMS nije dostavio svoju ponudu.

U skladu sa članom 69. stav (2) tačka a) Zakona o javnim nabavkama Bosne i Hercegovine „Ugovorni organ je obavezan da poništi postupak javne nabavke u sljedećim slučajevima: a) nije dostavljena nijedna ponuda u određenom krajnjem roku”.

S obzirom da je ovaj postupak javne nabavke vođen korištenjem Pregovaračkog postupka bez objave obavještenja, u skladu sa članom 21. tačka c) i članom 28. Zakona o javnim nabavkama, te da su pregovori provedeni sa jednim ponuđačem, kao i da isti u ostavljenom roku nije dostavio svoju konačnu ponudu, Komisija je predložila da Uprava Operatora za OIEiEK donese odluku o poništenju postupka javne nabavke „Korištenje elektronske platforme - Registra za izdavanje, prenos i poništavanje garancija porijekla za teritoriju Federacije Bosne i Hercegovine sa tehničkom podrškom korisniku (Operator za OIEiEK)”, u skladu sa članom 69. stav (2) tačka a) Zakona o javnim nabavkama Bosne i Hercegovine.

Na osnovu navedenog riješeno je kao u dispozitivu.

Pouka o pravnom lijeku: Protiv ove odluke može se podnijeti žalba Uredu za razmatranje žalbi Bosne i Hercegovine, u roku od pet dana od dana prijema Odluke. Žalba se izjavljuje Operatoru za OIEiEK, kao ugovornom organu u pisanoj formi direktno ili preporučenom poštanskom pošiljkom, u dovoljnom broju primjeraka, a koji ne može biti manji od tri.

Dostaviti:

- ponuđaču (kopija)
- a/a



DIREKTOR

Edim Memić

Adresa: Adema Buća 34, 88000 Mostar, Bosna i Hercegovina

T. +387 (0) 36 281 030 | **F.** +387 (0) 36 281 031

e-mail: kontakt@oieiek.ba | **web:** www.oieiek.ba

Općinski sud u Mostaru - MBS: 58-05-0002-14 | **JIB:** 4227816850001 | **PDV:** 227816850001

UNION Banka d.d. Sarajevo - br. računa: 1020010000018792 | br. računa: 1020010000020053

ASA Banka d.d. Sarajevo - br. računa: 1401011110005468

www.oieiek.ba